

永平府志

地
130.65
139
計32
部2

卷凡例 辨論
巡撫奏 勅諭
宸翰 行宮

永平府志

光緒二年重修
板城敬勝書院

永平府志序

同治九年

朝廷以北洋重地思得文武大
臣坐鎮其閒特

命合肥相國總督畿輔移駐天
津公抵任亟亟籌海防內修文
序

教養人才課吏治兼纂通志檄
各郡縣一律舉行智由灤州牧
擢守永平下車伊始卽修書院
購書籍俾多士以時講習復飭
屬修志乘除灤州昌黎續修未
久於是遷安樂亭撫甯等志相



繼成臨榆及盧龍亦將觀厥成
余嘉各大令之勤於編輯也而
府志自乾隆中年增修此後缺
焉莫考世事日新守土者可漫
然置之耶爰敦請樂亭史香崖
孝廉秉筆采訪校對分任書院

序

三

肄業士子不二年歲厥事蓋百
餘年文獻燦然備具矣嘗考畿
輔輿圖前襟大河背枕居庸右
太行左滄海隆上都而朝萬國
茂以加矣然列郡如大名廣平
南接豫疆阻河爲界正定順德

西鄰晉地跨山爲藩要皆內地
鄰封無所謂邊防者卽宣化倚
邊天津際海邊與海相距奚啻
千里然則擁羣巒以爲城俯巨
壑以爲池其我永平一郡乎夫
永平古遼西地盧塞蜿蜒東走
序

序

三

邊牆高下城堡星羅由漢唐以
迄於明講求戰守之法者至詳
且備

國朝龍起大東定鼎幽燕中外
一家久已犁烽埃爲良田銷兵
戈爲農器然而古人之陳跡何

可沒也渤海迴環二千餘里而
永平適當其中沿海諸口俱可
乘潮內駛方今通商各國市埠
林立其所以嚴中外之防者可
不及時圖之耶夫事有伏於數
十年之先而見於數十年之後

序

四

者其機固不可不察也洪維
聖天子威棱遠播海鏡山明今
相國奉

命鎮撫華夷爲國家立久大之
業且使海濱之民目不見兵革
生斯世者抑何幸歟是編也成

其於通志有裨與否不敢知而
其防邊防海之策官斯土者於
此博稽前事度地揆時以爲未
雨之綢繆或不無一得之助也
光緒五年歲次己卯五月朔知
永平府事新化游智開撰

序

五

凡例

謹案永平爲古右北平遼西二郡地而遼西之地居多五代以後分置平灤營三州而平營之名與古相混山川人物每致誤牽金元郡乘今皆不傳

顧祖禹讀史方輿紀要紀永平事有引金志云者

明萬厯初閩人郭造卿

在戚南塘幕府網羅天下圖籍又復親歷薊北諸邊遣卒出塞窮濡河源至再至三必得實乃已作燕史數百卷蓋十年而後成又以其餘日作永平志一百三十卷文雖晦澀而一方之掌故頗爲詳備國初顧亭林遊於永平已稱其全書不可得

永平府志

卷首

凡例

見則郭志之散佚非一日矣今之存者惟康熙乾隆二志康熙志稱爲萊陽宋玉叔觀察撰次而非出觀察一手體例未允考據多疏其所援引俱不註書名變易原文難以徵信且有張冠李戴者乾隆志體例較爲整齊而於前志所引古事古人仍復承譌襲謬毫無辨證蓋以構書無多是以因陋就簡王澹人之跋固已自言之矣茲博考前聞逐加釐訂古事古人必詳所出正其譌者十之三補其闕者十之四搜討之艱同於創始爰發凡起例如左

一永平爲兩京孔道我朝

列聖相承屢

舉

東巡盛典

翠華所莅

渙汗頻頒

宸章炳若日星

天恩沛如雨露舊志備載卷

首以爲冠冕今謹遵其例卽以行宮列於其後

一康熙志不分綱目事無統括乾隆志以入門爲綱
曰封域曰建置曰賦役曰學校曰官師曰選舉曰
人物曰藝文其條目則各以類從體例亦允茲特
仿景定建康志之例分圖表志傳於舊立綱目不
能不酌爲變通非苟異也

一古志乘多稱圖經蓋志地理者必詳輿圖也康熙

永平府志

卷首

凡例

二

志於圖太略而山川城郭遠近方向顛倒錯亂前
後複沓按之竟無一是處此蓋委之吏卒匠役未
經親歷而詳核之故爾乾隆間續修竟爲依樣之
畫殊屬草率茲於北境之邊南境之海或親爲履
勘或分委士人隨所至而筆記之卽隨所在而詳
繪之爲疆域總圖一疆域分圖七城圖七府治圖
一學宮圖一河道圖一邊城圖十六邊口圖十六
共圖五十庶令人開卷瞭然

一表目有六曰沿革曰水道歸合曰封爵曰職官曰
選舉曰列女志鮮有以列女入表者因此門收錄

最寬而保薦之辭尤多以套語勦襲千人雷同實難成傳茲擇其事蹟昭著者列之傳中其餘盡以表分列姓氏節孝貞烈壽依類序入然不敢妄有去取惟永郡風俗樸重不務鋪張潛德幽光往往有采訪不及者爲之太息

一志目有五曰封域曰建置曰武備曰賦役曰藝文視舊減八之三蓋官師選舉改爲表人物標曰傳而學校卽歸於建置也舊志藝文收入散碎詩文茲將散碎詩文少爲沙汰分附於各卷本事之下而藝文止列書名卷數及譔著姓名亦漢書藝文

永平府志

卷首

凡例

三

志例耳

一傳目有四曰名宦曰鄉賢曰后妃曰列女名宦鄉賢皆以史傳列首凡人物之具於舊志得諸新採者分仕蹟行誼文學忠烈隱逸耆壽方伎流寓八子目而史傳各人遇有嘉言懿行軼於正史之外者必據其書附於各傳之後不欲有佚美亦不敢有僞造也

一沿革表列史志於前繫論辨於後亦先按後斷之義而州郡所統之縣雖總括其數要必擇其確係此地及與此地有涉者載之餘俱從略

一水道歸合表以水名爲經以水之所在爲緯某水入某水某水又入某水入某水之水作小字受某水之水作大字以清眉目亦從雅存乾隆府廳州縣圖志例也

一封爵職官表以五等及文武階級爲經世代爲緯而於遼以前之營州元魏以前之平州各爵各官概行削去勿使混淆元姚樞姚燧史稱其先柳城人柳城縣非柳城軍畿輔志誤收茲亦不敢妄牽一選舉表分三途曰進士曰舉人曰貢生以州縣爲經科分年代爲緯武科亦然而援例授職行伍出

永平府志

卷首

凡例

四

身者卽分附於文武科名之後末以封廕殿之從其類也有傳者註有傳二字職官與列女表亦如此例

一封域志子目有九曰疆界曰形勝曰星野曰山川曰屯社曰風俗曰物產曰古蹟曰記事其退星野於疆界形勝後者蓋九州分野之說古多聚訟非若土域之有憑後漢書包星野於地理中有以也名人塋兆亦古蹟所繫故附於古蹟之後

一建置志子目有八曰城池曰公署曰學校曰壇廟祠宇曰關隘曰倉儲曰惠政曰驛遞邊城堡鎮附

之城池學宮書院義學學田鄉賢名宦祠附之學校寺觀附之壇廟祠宇津梁附之關隘使各有所統免形煩碎

一武備志子目有三曰營制曰邊防曰海防卽以海運附之存故跡也至八旗駐防如喜峯冷口永平山海等處皆爲副都統所轄其兵額操防已見於職官表不復贅

一賦役志子目有六曰戶口曰人丁曰田賦曰經費曰起運曰鹽法俱以賦役全書長蘆志開載至其歷年奏銷不同前後增減有異亦惟憑科房冊檔

永平府志

卷首

凡例

五

爲準

一採錄諸史各傳生於此者首尾備錄宦於此者則節錄其有關斯地之事昭限制也

一舊志有仙釋一門亦沿俗而然晉書藝術傳溷以佛圖澄鳩摩羅什諸人遂爲魏書釋老志作之備識者譏之茲削去其目而以其行事少著者歸之志餘庶人知風教有所重云

一陸稼書先生靈壽志不載寺觀亦崇正闢邪之義然神道設教先王不廢且緇黃所聚山巔水溪每爲騷人墨客所留連茲聊當古蹟存之可也

一史家列傳儒林與文苑例分兩途舊志止立文苑
一目與武功相對殊屬偏枯茲以文學概之冀文
人學人併包無遺也

一獎勵風俗莫先於孝然亦最難憑信惟稱自宗族
信於鄉黨始爲真確故志中所載止得數人若女
子不嫁以養親男子割股以療疾雖失中庸之道
要其肫誠至性未可抹煞故亦敘入以示勸勵

一舊志紀事自晉永和元年以後卽以燕年紀之蓋
以斯地爲燕土域是年燕始不用晉年號自稱十
二年故也然當時段遼石虎屢相攻襲斯地尙未

永平府志

卷首

凡例

六

全爲燕有且典午未滅卽以統系歸之偏竊終非
綱目書法茲仍以晉紀年註燕年於下晉亡則以
北魏統之亦以大統小之義至遼金元三朝斯地
皆非中華所有則以遼金元紀年而以五代宋年
號註於其下以便考核又不得拘拘於紫陽書法
也

一康熙志有后妃一門乾隆志刪之謂其牽涉無謂
而石恪妃傳援引夢異報應之說頗涉不經
未爲無見然燕之段氏實出令支而遼史於蕭后
不署何許人契丹國志則明著爲平州人且其事

迹與遼史所載大異康熙志不知據契丹國志而徒據遼史宜來牽涉之譏也茲據十六國春秋契丹國志后妃本傳復行補入又增段氏蕭氏各一人與魏保太后閒序置之列女之前至
恪妃
誕生之異已見於灤州石副使維嶽傳下故不復與偏竊諸后妃同列蓋恐其褻尊云

一康熙志以夷齊爲先聖韓文公爲先賢文公豫產也其封昌黎伯蓋以門望故且唐以前之昌黎非今之昌黎也乾隆志因今之昌黎立廟設祀已久仍徇俗而收其本傳考新舊唐書俱稱公爲河南鄧州人於斯地何涉况文公卽生於河南子孫不無遷徙今浙江西安有孔氏世襲豈必援
宣
尼爲古越人乎故於封廕門詳載韓氏世襲而文公本傳則削而不登

一康熙志有竇瑗傳乾隆志削之蓋以魏書稱爲遼西遼陽人也考魏書地形志遼西有陽樂無遼陽北史稱爲陽洛人陽洛卽陽樂魏書當是筆誤故據北史收之

一舊志選舉載有金之任詢註云義豐人考金史詢爲易州平市人康熙志謂其歸田後寄居灤州卒

葬其地子孫遂爲灤州人至今灤州尙有詢墓明時有任惠是其裔也茲將金史本傳收入而詳其緣始於下選舉內則削其名蓋以登第時原非灤人也

一舊志有張穀傳穀作覺遼史無傳金史列之叛臣傳宋史附之姦臣傳覺與金並未稱臣何得云叛於宋方始通款金卽以納叛責宋宋藏匿不得遂殺之以謝是宋負覺非覺負宋也何得云姦覺亦寄冤也哉當其定平州之亂也遼主已走山西覺知遼必亡籍丁壯馬匹練兵爲備金人使康公弼永平府志
卷首 凡例
八

與語詭辭以給之繼因燕民之訴殺左企弓等四人復稱保大三年納款於宋亦不過爲自固計耳非真忠於遼也就其行事窺其志趣在金不得云叛臣在宋不得云姦臣在遼亦不得云忠臣也舊與鄉賢並列終覺未允茲存其子謹言傳而覺傳從刪

一舊志名宦有楊鎬楊嗣昌范志完鄉賢有高第各傳四人俱以兵事之失有誤國是其罪著於明史然觀舊志所載楊范三人似不無遺愛在人高第事跡又旁見於通志名宦傳且崇祀鄉賢其

善亦似有難沒茲仍舊存之庶功不以過掩取人固不可過濫論古亦豈容過苛節而取之惟閱者諒焉

一舊志有傳斷不敢輕爲刪削惟某縣一顯宦事著明史閹黨傳舊志稱其不附權貴大約沿康熙縣志之謬實是曲筆故存其官階於選舉內而去其傳

一舊志藝文載石副使墓誌一篇稱爲應山楊漣撰與明史時事不合且文筆舛陋當是後人僞造故不錄

永平府志

卷首

凡例

九

一志中各門凡正文不能全載者必據書夾註其間或總註其下管窺所及間有辨析率以案字領之總期人有本末事有源委足以備一方之掌故發後世之勸懲而已武功朝邑之簡不敢效顰

一志中新事或得自官司查報或得自士紳采訪隨到隨錄惟人是憑其有無遺漏冒濫殊不敢知至於參訂古書凡正史別史及古今名家記載詩文家中所藏與外借所及者無不極力搜討親自補正絕不敢假手他人載筆旣愧不文集益亦殊未廣並附識之以俟正於博雅君子

一疆域圖縱橫開方總圖每方二十五里斜長三十
五里分圖每方十五里斜長二十一里各屬山水
止繪其大者村莊止繪交界處餘從省府州縣治
有門作𠄎邊城用套方圈作回堡用單方圈作□
集鎮用套圓圈作◎界上村莊用單圓圈作○

樂亭史夢蘭謹識